



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Victorii Explicationes suarum in Catonem,
Varronem, Columellam Castigationum**

Vettori, Pietro

Lvgdvni, 1542

In M. Catonem.

urn:nbn:de:hbz:466:1-12981

eipius codices, quorum auctoritate usus sum: nam alij, aut de optimo illo descripti, aut ita mendosè, & negligenter scripti sunt, ut eorum testimonium paruum pondus meritò habiturum fuerit. Quomodo susceptum negotium administrarim, ex singulis nunc explicationibus meis apparebit.

IN M. CATO.

NE M.



N legibus posuerunt. Testimonio Grammaticorum cognouimus, uetus si-
mos autores Posui, sape protulisse: quare cum hic, & non multò post ite-
rum sic in manu scriptis codicibus scri-
ptum inuenerim, Catoni suum sermonem reddendum cen-
sui: nam sic etiā locutum fuisse Catullum in hymno Dia-
næ manifestum est, fortasse etiam eiusdem aetatis Poëta in
Iambo, quo Catulli Phaselum imitatus est, idem tēpus ea-
dem ratione protulit: ita enim arbitror uersiculum illum
legi oportere,

Tua in palude deposisse sarcinas.
ut Deposisse, pro Deposuisse, imminuto uerbo dixerit.
Quanquam alia ratione Deposuisse illic sine uitio di-
ctum esse, defendi potest, ut σωιζησ in media uoce fiat.

Bonumq; aquarium. Hic ueterē scripturam resti-
tuimus, quam nonnullae etiā coniecturæ adiuuant. Ne au-
tem cuncta quæ uariauimus, quamvis minuta, aut aperta
explicare cogamur, semel quam rationem in hoc negotio
secuti simus, exponere placuit. Sciant igitur omnes,
quæcunq; immutata inuenerint, ad fidem priscorum codi-
cum reducta esse, nec temerè nos ab ipsis discessisse: quod

a 3 si unq

6 PET. VICTORII EXPLIC.

si unquam coniecturis ducti nobis aliquid permisimus, su= spicionis nostræ causam reddemus, & in quo parua e= tiam licentia usi simus, ostendemus.

3 Sterquilinium fieri. In antiquissimo codice, Cato= nis, ac Varronis semper Stercilinum scriptum est: quam scripturam quamvis non receperim, tamen semel notam facere uolui.

3 Expinsi far. Peruulgata lectio ualde à priscis exem= plaribus dissentiebat: hoc autē factum puto, quia in anti= qua scriptura paruum mendum inoleuerat, quod cūm ali= quos turbasset, ita restitui posse locum censuerunt: ipse eo sublato, ueterem in suam sedem reposui. macula autem in uno uerbo erat, nam reliqua cum fide in nostrum librum translatas sunt: Expansi lar. Vnius igitur tantum literæ castigatione pro Lar, Far lego. Varronis locus de uita populi Rom. qui à Nonio adducitur, rem confirmat. Nec Pistoris nomen erat, nisi eius, qui ruri far pinsebat.

3 Armenta delicula, oues deliculas. In manu scri= ptis cunctis, quos uidi, ita legi. Formis excusi ante Reicu= la, & Reiculas. Veterem lectionem non possum, nisi au= toritate uetustorum librorum cōfirmare. M. Varro de re pecuaria Reiculas oues appellat: item, in Cato. uel de libe= ris educandis, ut ex commentarijs Nonij cognoscimus, hæc enim eius uerba: Et ut in grege opilio oues minus idoneas remouere solet, quas reiculas appellat, &c. Nec tamē ue= terem scripturā damnādam censeo: multa enim apud hunc uetustissimū scriptorē leguntur, quæ usus postea aboleuit.

4 Ne uilla fundum quærat, ne'ue fundus uillam. In priscis exemplaribus posterius membrum non est, quod culpa librarij commissum credo: nam Columella, & Plinius, qui hoc præceptum Catonis refirunt, nō simplex re= ferunt

ANNOT. IN M. CATONEM. 7

ferunt: nisi quis putet, Catonem breuitate gaudentem, altero membro contentum fuisse: reliquos autem auctores illud magis explicasse.

Villam urbanam. Ita scriptum repperi in optimo exemplari, quemadmodum non multo post, Fundum urbanum: cum formis excusi libri præpositionem huic uero addidissent. Animaduerti etiam à M. Varrone de agricultura ita hoc nomen usurpatum fuisse in illo loco, Nunc contra uillam urbanam, quam maximam: si fides habenda est ijsdem optimis, ac uetustissimis libris.

In sapa, in musto, in lora. Hanc lectionem à manu scriptis libris accepi, nam excusi In lora, non habebant: eandem Plinius confirmat, qui libro xiiii. cap. ii. hæc cum magno honore Catonis præcepta referēs, inquit, In lora rectè conduntur.

Quas suspendas duracinas, &c. In magnis sæpe angustijs uersantur, qui in hoc munere corrigendorum librorum occupati sunt: ego sanè diu incertus fui, quid nam hic consilij caperem, receptam ne lectionem seruarem, an ueterem reponerem, quæ ualde diuersa est. Nulla demum mutatione facta, statui totam rem, quomodo se haberet, in hoc meo libello indicare. M. Varro de agricultura, quo loco differuit de uuis condendis, receptam lectionem ad iuuare uidetur: nam Catonem se sequi ostendens, inquit: Quas suspendas opportunitissimas esse duracinas, & ammineas, & scantianas. Contrà Plinius libro xiiii. cap. iiii. ueterem: qui etiam ipse, quæ de uitibus, uuisq; prodiderit Cato referens, inquit: Quas suspendas duracinas, ammineas maiores, uel ad fabrum ferrariū pro pæsis, &c. Ita enim legitur in optimo exemplari: nam uerba, quæ in excusis adduntur, neque in illo, neq; in alijs manuscriptis

44 legunt

§ PET. VICTORII EXPLIC.

leguntur. Ut tamen, quò mihi animus inclinat, aperiam arbitror, quam apud Plinium legimus, ueram esse Catonis lectionem, in hanc sententiā maximè auctoritate ueterum librorum ductus: communem autem hanc, & peruulgatam, suspicor à Varrone acceptam esse, qui Catonis magis sententiam, quam uerba exposuerit. Nam illud etiā animaduertendum est, duo illa uerba In lora, quæ paulo supra reposuimus, è manu scriptis libris eruta, à Varrone relinquī, ut facilius etiam hac cōiectura existimem, totum locum ad scripturam Varronis conformatum fuisse.

§ Vti stabilia mala fiant. Hic mendum esse suspicor, nam ueteres libri ab excusis dissentunt: optimus ille, & antiquissimus deprauatus est, sic enim in illo est, Vti fabulim malorum. habet alter non tam bonus, neq; tam antiquus, Pabulum malorum, reliqui recētores cum uetustissimo faciunt. Quamuis sēpe, multumq; quæsierim nihil potui excogitare, quod magnopere placeret, quare uolo, in hoc etiam aliorum ingenia exerceri.

§ Eae optimè conduntur uel uirides in muria. Si quis M. Varronem attendat, existimabit hunc locū mancum esse, defecisseq; uerbum aridæ: ille enim in agricultura, cùm de oliuitate differeret, inquit, oleas esui optimè condiscrit Cato orchites, & pauseas aridas, uel uirides, in muria uel lentisco contusas. Plinius lib. x v. cap. v i. receptam nunc lectionem sequitur: quam cum in cunctis manu scriptis inuenerim, retinendam censui.

§ Dies V. Ita legitur in ueteribus libris, cùm in excusis antea minor summa dierū esset: sed etiam M. Varro hunc numerum sequitur, dum præceptum hoc Catonis recitat.

§ Locis aquosis, humectis. Hæc est prisca lectio: nam in excusis pro Humectis, Vietis, Due res, ut suspi-
cor,

ANNOT. IN M. CATONEM.

cor, castigatorem aliquem, aut librarium se fellerunt. Nam Vmectis, sine aspiratione in antiquis libris scriptum hic est, quemadmodum nonnullis alijs in locis, ita autem ferè scriptum Vmorem, & Vmidum, in priscis exemplaribus inueniri docti, & diligentes uiri admonuerunt: quod ipse quoq; in optimo, ac uetustissimo diligenter seruatum, animaduerti. Altera est, quod priore uoce, quod ad humorem pertineret significari putarunt, discrepare tamen aquosum, & humectum manifestum est, nec posterior uox otiosa meo iudicio haberi debet, reliqua quæ à ceteris excusis in nostro uariant, ab iisdem ueteribus libris accepta sunt.

Si aquam non habebis, sicca quam plurima facio. Vetus hæc est lectio, quam uehementer probo. Sicca prata opponuntur irriguis, quod etiam ex superiore capite intelligi potest: manifestius tamen ex illo, cum legem pabuli locandi exponeret: Ex Kal. Septembrib. prato sicco decedat. Id, ut suspicor, cum aliquis non animaduertisset, omnia perturbauit.

Afinos ornatos. Hæc uera est, & eadem antiqua lectio. Eodem intellectu Cicero pro lege Manilia Ornare classem, inquit. Græci εὐπεπτοι. Veteres etiam Iurisconsulti sic locuti sunt. Vlpianus de ædilicio edicto. L. Aediles aiunt. Hoc aperte ostendit: nam iumenta ornata, & ornamenta iumentorum sœpe appellat.

Infidibula 11. Ita in manu scriptis libris uno consenserunt scriptum inueni quemadmodum sequenti capite iterum, ac tertio, ubi exponit, in cella olearia quæ opus sunt: quare eorum fidem, & auctoritatem secutus, ita in meo scribi uolui. Nec tamen me latet, alios Infundibulum hoc, siue instrumentum, siue uas appellasse: & à fundendo etymon

4 5 habere

habere tradidisse.

- 9 Ferreas v i i i. In manuscriptis, quod erat in excusis hic Furcas, non legitur: ut apud Varronem etiam, qui totū hunc locum Catonis recitat, quare id deleuimus.
- 10 Telam iogalem unam. Sic in cunctis manuscriptis, cùm in excusis Tedam: quemadmodum in capite de uilla ædificanda, nam ijdem Telas iogales, habent. In re incerta fidem uetus torum codicum sequi uolui: neq; enim de facibus nuptialibus agere hic Catonem credo.
- 11 Asinarium I. Salictarium I. Vetus haec est lectio, quam summa etiam hominum, quæ est in antiquis, confirmat. M. Varro, quo loco de familia agit, peruulgatam nunc lectionem sequitur, neq; de Salictario loquitur: nos tamen consensum ueterum codicum non damnauimus.
- 11 Ahenum coculum. Multa hic ad fidem ueterum codicum reduximus, nam hoc etiam uerbum inde sumptum est, quod uerum esse testimonio Sex. Pompeij confirmatur, qui tradit, Coeula uasa ænea esse, coctionibus apta.
- 11 Labrum eluacrum I. Sic in cunctis manuscriptis, ut supra etiam, ubi id uerbum restituimus: quod quorundam culpa (ut opinor) sublatum fuerat, qui cuncta, quæ non intelligunt, delent. Quod si cogitassent, se Catonem manu tenere uetusissimum scriptorem, & qui multis passim uerbis usus sit, quæ non multo post abolita sint, hoc nunquam commisissent. Nos nacti optimos, ac fidelissimos codices, sermonem suū priscum prisco uiro reddemus: atq; hoc fidentius faciemus, cùm easdem uoces in duobus aut tribus locis reperiemus: neq; enim tunc existimandum est, id lapsu, aut imperitia librarij commissum.
- 11 Faculas rustarias X. Hanc lectionem è manuscriptis libris eruimus, quam apud Varronem etiam inuenimus,

mis,

mus, qui hunc locum exprimens, inquit: Arborariæ tres,
et rustariæ x. quamvis excusi etiam Varronis codices
Rusticariæ haberent. Veteres tamē omnes Rusticariæ. Nam
M. Varro uidetur hæc uerba legisse apud Catonem suprà,
ubi antè in excusis Rusticarias x. legebatur. In antiquis
tamen libris, ubi nos illa reposuimus, ea leguntur.

Corbulas amerinas. In ueteribus libris Catonis Cor= 12
bulas: in Varronis autem, qui hanc partem recitat, Cor=
bulæ. Peccatum hoc fuisse librarij existimauit, atque
ideo receptam lectionem retinuit: nam à Corbe Corbulam
ñ̄d̄m̄ḡp̄s̄ fieri, indicio etiā ueterum grammaticorum,
ac testimonio M. Varronis planum est: cuius locum è pri=mo libro de re rustica adducunt, qui quemadmodum illi
legunt, in antiquissimo etiam codice scriptus est. Cato
item ubi refert, quæ ad uindemiam opus sunt, inquit, Cor=brule sarciantur: qui locus in antiquis, ut in formis excu=sis, scriptus est.

Afferes, fulmentas. Antiqua hæc lectio: quæ etiam 12
adiuuatur à Nonio, qui ostendit Lucilium, ac Plautū mu=liebri genere Fulmentas s̄epe dixisse.

Hæ rei materiem &c. Hic locus ualde à peruerso 13
aliquo correctore depravatus fuerat: quam nos reposui=mus scripturam, in optimo exemplari fideliter conserua=tam inuenimus: hoc tantùm labis erat, quòd ex duabus pri=mis uocibus importunè una facta erat: quæ macula, ut
ualdè potuit imperitos homines turbare, ita ab eo, qui
ab antiquis grammaticis accipisset, uetustissimos scripto=res sic locutos esse, ut Eæ, pro ei: Solæ, pro soli: Vnæ,
pro vni, dicerent, facile discuti potuit. Differit de hac ue=terum consuetudine in v i. libro accurate Priscianus, duo=bus etiam locis, exēplaq; plurima afferit è libris Catonis,
et alio

et aliorum etiam prisorum auctorum. Per uulgata le=ctio multis modis improbari potuit: neq; enim Herus, eo sensu aptè diceretur, sed antiquæ elegantia penitus illum refellit. Non nulla etiam infra restituta sunt, quæ confir= matione non egent. Neq; enim nos hæc scribimus, ut ope= ram, ac industriam nostram uenditemus: sed ut studium nostrum probemus, et luculentissimos auctores adiu= uemus.

13 Conliciares quæ erunt. Antiquam lectionem re= stituimus: nam in excusis antea Deliciares: eam Sex. Pompeius confirmat, qui in x. libro inquit: Colliciae tegulae, per quas aqua in uas defluere potest.

13 Manupretium erit. In excusis antea, Inani pre= tium mendosè. Manupretium castigauimus. In optimo ta= men exemplari Manipretium, quemadmodum ferè in antiquis codicibus. Nam apud Plinium in uetusto codice sic locus ille legitur, Solitum enim ex manupretio cuiusq; signi denarios seponere aureos singulos. Est autem in x x x i i i . libro cap. vii. Eodem capite pro, Im= mani pretio, quod est in excusis, Manipretij, in eodem illo antiquo legitur. In x x x v . cap. x. Eodem pacto pro Immanitate pretij, Manipretij, Artis uero tantum, ut multum manipretij antecederet celeberrimos eadem etate imaginum pictores. Apud Vitruvium etiam libro x. Eodem pacto peccatum fuit: ubi enim in excusis Im= mani pretio locauit faciendam: in manu scripto, quem per antiquum uidi, Manupretio, legitur. Huius animad= uersionis ignoratio quot locos foedauerit, hinc facile in= telligi potest. Vim, et etymon huius uocis M. Varro in v. libro de lingua Latina expreßit. Verbum etiam hoc apud Ciceronem in oratione, quam habuit contra L. Piso= nem,

nem, & in accusationis libro IIII. integrum conseruatum est.

P. uict. enim x. Compendiarijs his notis uictoriatos 13
numos significari puto. Hoc iterum in libro, ubi de lege
oleæ faciundæ agit, Vasarium uict. II. De his numis me=
minit Cicero pro M. Fonteio, & Quintilianus libro V I.
dicente quodam, Victoriano se uno in Sicilia V. P. Mure=
nam longam emisse &c.

Quadrarijs uasis uti contractiora sient. Corru= 14
ptus est etiam hac parte uetustissimus codex: notam igi=
tur antiquam scripturam faciemus, ut unusquisque in eo
purgando laborare posset, Quadridis uasis uti contra=
rora sient. Infra ubi in impressis Quadrarijs, in eodem
Quadrinisi. Dissentit igitur in hac uoce duobus locis à
peruulgata lectione antiquus atq; optimus liber, uerum
etiam non bene sibi ipsi constat. Ex altera quæ peruersa
est uoce, nos Contra ora, fieri posse arbitrati sumus.
Videbunt nunc ingeniosi, ac docti uiri, nostra'ne conie=
cta, an communis lectio melior sit: fortasse etiam ter=
tiam aliquā, ambabus ueriorem, è priscis uestigijs eduent.

Trapetibus locum dextra sinistra. Pluribus locis 15
in Catonis libro postrema duo uerba sine coniunctione
nunc leguntur, quæ antea, e T, in medio habebant. Eam
ipse in nullo ueteri exemplari à me inuentam illinc deieci.
Animaduerti præterea Ciceronem in extremo x II lib.
epistolarum ad Atticum sic etiam locutum fuisse: Omnis
armatorum copia dextra sinistra ad equum.

Longum p. v. Latum p. II. s. crassum p. I. s. 15
Fœda macula, seu potius ridicula, hunc locum occuparat:
stultè enim notis numerorum nostri temporis descripta la=
titudo erat, atq; imperitia librariorum, siue emendatorum
ita

ita aucta, ut nullo pacto longitudini responderet s, (quæ nota semis manifestò significat) cum antecedente summa coniuncta fuerat, atq; ex duo & semis, centum quindecim factum: quo errore nihil ineptius fingi potest: nec is unum tantum locum, sed plures foedauerat. Deerat etiam mensura crassitudinis, quam è manu scriptis libris acceptam hic restituimus.

15 Aut binas pro singulis eo supponito. Antiqua hæc lectio, quam recepimus. In excusis antea, Pro singulis desuper ponito.

17 Denuo eodem modo facito ne se moueat, modiolos &c. Fidem uetusorum codicum secuti, hinc nonnulla uerba sustulimus, quæ enim præter hæc erant in excusis, in nullo à nobis manu scripto libro inuenta sunt. Sed res etiam ipsa diligenter considerata superiora q; Catonis uerba, ni fallor, declarant hanc ueram lectionem esse: præceperat enim diligenter, ne quis plumbo in columella sustinenda uteretur, & quibus rebus fulciri deberet ostenderat: quod si nunc, cùm uitium illa facit, ad plumbum consugi oportere diceret: sibi ipsi, ut opinor, aduersatur. Censet igitur commodius esse, eam eximi, rursusq; eodem modo fieri: plumbum enim, res mollis, non potest maius aliquod pondus sustinere, sed citò cedit, ut ad alia maiora remedia transfire necesse sit: nam modiolos leuiores rectè circumplumbari posse ostendit, neq; enim à pondere illic periculum est.

19 Bennæ emantur. In antiquissimo exemplari Menæ: receptam tamen lectionem retinuimus: est enim Benña, quod Sex. Pompeius docet, Gallica lingua genus uehiculari: nisi aliquid etiam Mena significat, quod hic accommodatum sit: id autem nos ignoramus.

VUAS

Veras miscellas. Sic semper apud Catonem, Varro = 19
nemq; in antiquis codicibus scriptum est : non ut in formis
antea excusis Misellis : apud Plinium quoq; in impressis
etiam libris, ita scriptum hoc nomen offendit.

Scobes in ueruacto. Antiqui libri, In ueruacio: 20
coniectura ducti, In ueruacto, emendauimus. in formis an-
teae excusis In uertito corrupte legebatur. Quid Verua-
ctum sit, & unde ei nomen impositum, Plinius x i x. ca=
pite x v 111. libri declaravit : nam uerbum, unde tota
haec oratio pendet, infra constitutum : illud autem in ex-
cusis quoque libris erat, sed non suo loco positum, nihil
hanc scripturam adiuuabat.

Vbi sementim facturus eris, ibi oves delectato. 21
Elegantissimum uerbum hinc incommodè sublatum fue-
rat, ac pro illo, Delegato, importunè repositum, quod
multis modis parum hic aptum esse intelligitur. Delecta-
to, in cunctis manu scriptis offendimus. Apud Plinium
etiam, qui præcepta Catonis de stercore colligit, eodem
pacto legitur.

Prælum ex carpino atra. Ita in cunctis manu scri- 22
ptis legimus, apud Plinium tamen, qui locū hunc transcri-
psit lib. x v 1. cap. x x x 1 x. De sapino atra legitur.

Capita uitium per sementim ablaqueato, ui- 23
neam putatam circumfodito. In cunctis, & manu
scriptis, & formis excusis Catonis codicibus, ita scriptum
offendi : in Plinio tamen, qui Catonis præcepta de cultura
uitium in x x 11. caput libri x v 1. transtulit, plura uer-
ba defecerunt : consulto ea Plinius reliquerit, an negli-
gentia librariorum omissa sint, docti uiri iudicabunt:
quamuis nunc aliud agam, hoc tamen demonstrasse inutile
non fuit.

Vites

22 Vites teneras quām primum propagato, sic occato. Postrema duo uerba, in omnibus à me antiquis libris inuenta, restitui: neq; tamen ea apud Plinium illo loco leguntur. Sic autem intelligo. Deinde, postquām propagaueris: quemadmodum etiam Græci οὐτω, sēpe in oratione ponunt.

22 Si uinea à uite calua erit. Calua in nostris antiquis legimus. calua à uite dixit, si modò hæc uera est lectio, ut Cicero, Vacuus à frumento: ετ, Inanis (etiam) ab aliqua re, sēpe dixit. Nam, Vineam caluam, translato à capite nostro nomine, eleganter appellauit: quemadmodum Columella, Castaneta caluescere, eadem ratione dixit: apud Plinium tamen, ut in formis antea excusis Catonis libris, Caluata, legitur.

22 Corrigitoq; uti rectè spectent. In cunctis manu scriptis, excusisq; Catonis libris nulla uarietate ita scriptū inuenimus, apud Plinium in impressis, Porrigitoq;, quæ ubi rectè steterint: in antiquis eiusdem codicibus, Quæ, non legi: in uno, Stent, pro Steterint: in uetustiore tamen, fidelioreq; Steterint. Sit' ne Plinijs scriptura ad Catonis regulam redigenda, an in Catone etiam aliquid uitij sit, doctissimi uiri uidebunt.

24 Si cariosam terram tractes. Multa hīc restituimus, quæ omnia è ueteribus libris accepta sunt: in extrema tantum uoce paruum uitium erat, Tracies enim habebant, emendauiimus, ut puto, aptè Tractes: eodem enim modo hīc peccauerat librarius, ut suprà, cùm pro Verueto, Veruacio scripserat.

24 Aceris frondem iligneam. Sic erat in omnibus typis excusis, in uetustis legimus, Acus, frondem iligneam, querneam, apud Plinium, qui hæc Catonis præcepta de ster

stercore refert, Ac frondes iligneas, querneasq;. Veriore=rem tamen putamus esse ueterum Catonis librorum lectio= nem, & Acus, non Aceris legi debere credimus : ut le= uiissimas paleas, non frondem arboris aceris significet.

Et circum salicta herbam altam, uluamq;. In 24 excisis omnibus codicibus mendosissimus hic locus erat, ubi illi Sata habebant, ueteres Saucta : nos, Salicta, emendauimus : adiuti etiam à Plinio, apud quem ita uul= gò legitur. Eodem pacto peccauerat librarius tertio ab hoc capite : nam Saucem, pro Salicem, scripserat : sic e= nim in perantiquo Saucem Græcam discindito. Vbi ijdem, Et eam : antiqui, Vuamq; eam : à Plinio h̄c etiam confirmati, Vluamq; eam, &c. castigauimus : nam Succide, quod in impressis erat, neque in manuscriptis, neque in Plinio legimus. Vnum tantum discrimin restat inter Plinium & Catonem, quod in Plinio impresso, Her= bam auctam : in uetus uero Mactam, pro Altam le= gitur : cuius uerbi rationem reddere non possumus.

Vitis si macra erit. In manuscriptis, Viti : antea 24 in impressis, Vinea : nos Vitis, scripsimus. Apud Pli nium aliud discrimin, Macruerit, enim pro Macra erit: nos tamen, quam inuenimus apud Varronem scripturam, reliquimus.

Nisi intermestri. Sic emendauimus ex uetustis co= dicibus, cùm antea, In trimestri, perperam scriptum esset : quæ macula quondam etiam apud Plinium eundem hunc Catonis locum foedauerat. Inde tamen diligentia, & studio Hermolai Barbari sublata fuerat. Varro libro vi. de lingua Latina, de hoc nomine disserit, & unde etymon habeat ostendit, in primo etiam de re rustica hoc nomen usurpat.

24 Ne quam materiem doles. Apud Plinium, Ni-
gram materiem doles: quod puto mendo sum esse, Peri-
tiores tamen uidebunt. Est aliud apud Plinium, quod à Ca-
tone discrepat, uarietas tamen ab interpunctionibus po-
tius, quam ab alia ulla re oritur.

24 Sarmenta degere, & fiscinam facere. Vetus hæc
est lectio, quam probamus. Degere cùm plures significa-
tiones habeat, ualeat etiam detrahere, quemadmodum te-
stimonio Nonij cognoscimus, & auctoritate Plauti, qui ab
eo adducitur.

25 Facito fortax totam fornacem, &c. Hæc est anti-
qua lectio, quam hic reposuimus. communem enim ina-
zem, commenticiamq; putauimus, illius enim in manuscri-
ptis codicibus uel ligium nullum: non tamen huius ratio-
nen plenè reddere possumus. Neque tamen mirum uideri
debet, si in tam prisco scriptore unum, aut alterum uoca-
bulum ignoratur: ita enim (ut ueteres Grammatici do-
cent) ille sëpe locutus est, ut multæ ipsius uoces paulò
post obsoleuerint.

25 Visioni supererunt. Ita legi debet, non vñsioni:
atque ita est in antiquis codicibus. Vtitur alibi M. Cato
hac uoce, sed testimonio Nonij etiam intelligitur ueteres,
& vñsum, & vñsuram, & vñsionem dixisse. Nam ab eo=
dem M. quoque Varronis locus bis adductus, mendo sam
ambobus locis hanc uocem habet. Vñsioni enim (nisi me
coniectura fallit) non visioni scriptum reliquit Varro.
ταφι μηνιππος. Diogenem literas scisse, dum usioni quod
satis esset. In xxii. etiam libro Pandectarum de le-
gatis, & fideicommissis l. cum quereretur, sic locus ille
legitur in optimo exemplari, Nam si uina diffudisset ha-
biturus usioni ipse, & hæres eius, &c.

Sulfur

Sulfuris p. c c. Has ponderis notas ueriores re= 26
 stituimus, quæ ut arbitror cum parum intellectæ essent,
 depravatae fuerant, testari etiam uolumus & hic, & ubi=
 cunq; in peruetusto hoc uolumine ea uox est, Sulpur,
 semper scriptum esse, quæ scripture etiam in Florentinis
 Pandectis custodita, illa tamen (quamuis frequens in pri=
 scis exemplaribus) à doctis, & diligentibus uiris damna=
 ta est.

Et uiti sicca alligato. Sic in una editione : in altera, 25
 Et nisi sicca : In antiquissimo, & optimo codice sine con=
 iunctione uiri sicca. locus tamen, in eo quoq; nota mendī
 adposita, signatus. Hoc enim semper seruauit diligens li=
 brarius, ut quos locos suspectos haberet, notula indicaret.
 non possumus ad eum restituendum præter antiquam scri=
 pturam aliud afferre.

Et stirpem artito. Quo frequenter usus est Cato. 26
 hoc uerbum semper in antiquo illo exemplari ita scri=
 ptum est, non Arcito, ut in excusis olim erat : apud No=
 num quoque, de mutatis coniugationibus, eodem modo,
 Artiuit, pro Artauit : qui exempla etiam Næuj Poëtæ
 affert.

Hæc unà bene condepsito. Non magnum nego= 26
 tium est intelligere hanc ueram esse lectionem, crebro e=
 nim Cato hoc uerbo utitur, & significatus ipsius hic mi=
 rificè quadrat : in antiquis libris Condepsito, nos
 una è medio uerbo sublata litera Condepsito, castiga=
 uimus. Non multo etiam post, ubi antea in excusis omni=
 bus mendosè prædicto, erat : depsto, ex ijsdem antiquis
 libris reposuimus.

Ne gelus. Ita in manu scriptis codicibus legitur : ui= 27
 rili autem genere uetusissimos hoc uerbo usos esse, etiam

b 2 ueter

20 PET. VICTORII EXPLIC.

- ueteres grammatici testantur.
- 28 Quoquo uersus collatis. Veteres libri, Contro=
uersis.
- 29 Ut si stet talea, melius uiuet. Ita castigaui, cum in
ueteribus libris, Ut si stet talea, scriptum esset: nam,
quæ antea in impressis erat, lectionem nullo modo proba=
ui. Alia, quæ variaui, ab optimis, fidelissimisq; exempla=
ribus à me sumpta sunt, neque ulla egent confirmatione.
- 31 Ex una parte perpetuum. Ut in nonnullis impres=
sis, ita etiam in antiquis hic locus ita scriptus est, nota ta=
men ei mendi adposita, alij ex coniectura, ut puto, Pro=
pe imum, castigarunt.
- 31 Per uer cum arabunt. Hunc locum ex antiquis li=
bris summa cum fide restitui: in quo illud inusitatum, quod
Edunt, pro Edant, posuit. Idem etiam bis fecit in capite,
quo Brassicam Pythagoream laudat. Sed alijs etiam lo=
cis, quemadmodum post indicabo: quare id negligentia
librarij commissum non putau: sed hanc fuisse loquendi
consuetudinem M. Catonis, prisci hominis, credidi.
- 34 Qui oletum saepissime, & altissimas radices ex=
arabit. Haec est uetus lectio: in excusis plura uerba le=
guntur, quæ M. Catonis sint, an recentiorum hominum,
qui locum hunc supplere uoluerint, affirmare non pos=
sum: nam superior sententia ualde à Plinio laudatur, atq;
oraculum appellatur. In Plini diuersis codicibus non uno
modo legitur: nos, ut in optimis exemplaribus inueni=
mus, ita illam scripsimus.
- 34 Quot iuga boum. In manu scriptis quos uidi,
Bouerum: in optimo exemplari mendi nota ad hunc
locum adposita est. Opinor accuratum librarium suspe=
ctam hanc uocem habuisse: quæ propter uetus statem peri=
tos

tos etiam uiros decipere potuit: nam ita scribi debere, &
ita priscos illos Romanos locutos esse, testatur M. Var=ro, cuius è libro v 111. de lingua Latina hæc sunt uer=ba: Alios dicere, Boum greges: alios, Bouerum.

Medipontos, &c. Hic in optimo exemplari, Me= 36
lipontos, quemadmodum antea ubi docuit, in torcula=rium quæ opus sunt.

Cummim pridiè in aquam infundito. Hæc est 36
antiqua, et uera lectio, cùm excusi omnes libri antea
mendosè Cuminum, haberent, & hic, & duobus alijs
huius capitii locis. Nonius etiam cùm de indiscretis ge=neribus differeret, docuit ueteres & neutro, & muliebri
genere hoc nomen usurpasse.

De ue primo. Communem lectionem improbauimus, ut nouam, insulsamq; nec tamen locum restituere po=tuimus: quod in nobis fuit, ueterem scripturam demon=strauiimus, ad eamq; mendi notam adposuimus: id quod in
optimo etiam libro ei acciderat.

Simplicibus completo. In excusis antea, dein 38
plicis: nos eam scripturam reposuimus, quam in cunctis
manu scriptis inuenimus, nec tamen eam explicare possu=mus, meliora fortasse ingenia ex ueteribus uestigijs ueram
lectionem indagabunt.

Globos sic facito. Sic in antiquis libris legi, cùm in 39
impressis antea ὑποχρεωτικῶς, Globulos. Idem etiam non
multo post factum erat. ita quoque scriptum esse animad=uerti in M. Varronis de lingua Latina antiquis exem=plaribus, in illo loco libri quinti, A' globo farinæ dilata=to, item in oleo cocti dicti à globo globi. Nam illic etiam
formis excusi libri globuli habent.

Honestum quasi spiram facito. Antiqua hæc le= 39
b 3 ctio,

- ctio, quam ueram esse huius loci credidi, Honestum (ut opinor) appellauit enchyrum, quod magnitudinem, & elegantiam quandam habeat: id enim Honestum saepe significare perspicuum est. Formis excusi ante libri In restim, habebant. Ut autem Honestum, dignitatis plenum: ita contra In honestum, dedecoris, ac turpitudinis. Apud Tacitum duobus locis haec uox esse debuit: ubi enim in impressis libro x v. Bellum anceps, an pax in hoste placeret: in antiquissimo libro, In hosta: quare In honesta, arbitror legendum. Item x vii. ubi in excusis, Vitellius uentre, & gula sibi ipsi hostis. in eodem, Sibi inhostus: ego, In honestus, lego: & ut pleniū intelligatur negligentia librarij, qui imminutas uoces scribebat, has maculas exortas libro x x. pro, Inne-
xa signa, In honora, legi debet: in illo enim, In hora.
- 40 Id in unum uas, &c. Ita locum coniectura emendaui: sed quia falli potui, veterem scripturam notam omnibus faciam, ut uideant ingeniosiores an meliorem lectioem inde elicere possint, Idinum uas liceto.
- 40 Catinum testo operito. Contra hunc locum in margine uetustissimi, fidelissimiq; exemplaris haec uerba eadem manu scripta sunt: Huc usque de duobus emendaui, hinc de uno exemplario tantum. Quae ipsa adscripti, indicant enim diligentiam librarij, & illi etiam libro auctoritatem aliquam adferunt.
- 41 Amphoram defracto collo. In hoc, & alijs non nullis locis, quos hic uariaui, fidem antiquorum codicum secutus sum.
- 42 Tum far insipiat. Haec est antiqua lectio, quam ualde probamus. antea in impressis omnibus, Cum ferue- re inciperet, erat. Sex. Pompeius libro x v i i. uim hu- ius

ius uerbi declarat: Et insipit: hoc est, iniicit.

Conuoluolus non nascebit. Nihil discrepant hic 43
manu scripti codices ab excusis: nisi quod in margine
optimi exemplaris eadem manu, qua liber exaratus est,
pro Nascebit, Nocebit, emendatum est.

Smyrnæum. In antiquissimo codice uetere scri= 44
ptura Zmurnæum: apud Varronem etiam de agri=
cultura, Ut uites apud mare Zmurnæ. nam erudit, &
accurati uiri docuerunt, quandoq; in priscis monimen= tis Z, pro S, inueniri: Y, psilon autem passim in V, à
Latinis translatum est. Non multo post, Solistitium,
in eodem libro, pro Solstitium, scriptum est.

Musti quadrantalia X. In manu scriptis legimus 45
Quartarios: ubi antea multis locis, Quadrantalia: in
optimo exemplari tantum est prima eius nominis litera.

De scopio. In margine antiquissimi libri contra 46
hunc locum mendi nota adposita est: & eadem manu ibi=
dem, Descopione, emendatum. In extremo autem ca=
pite pro Pura, que uox, ut in imprecisis, ita etiam in co le=
gitur, eodem pacto in margine Curata, emendatum.

Et ne plus quatriduum. In uetustissimo libro 48
Quadriennium, quemadmodum paucis post uerbis ite=
rum: id nos erratum librarij putauimus.

Vbi satis effruerit. Ita in cunctis manu scriptis 49
inuenimus: sed accurati etiam Grammatici ostendunt,
uetustissimos saepe sic locutos esse: Vergilium etiam ea=
dem ratione dixisse, Feruere leucatem, manifestum est.
Hoc multis locis ita conformatum tempus restituimus.

Capreidam, uel iuniperum. Contra primam uo=
cem in margine uetusti codicis eadem manu, Capidam,
scriptum est. Non multò etiam post in eodem libro La=

b 4 gonam,

gonam, pro Lagœnam, quemadmodum etiam in Medicæo codice locus ille epistole Q. Fratris ad Tironem, Quæ lagonas etiam inanes obsignabat. & in uetustissimo Plinio locus hic è xvi. libro: E' quibus montani prætenuia fila decerpentes, spectabiles lagonas, & alia uasa necunt. Neq; tamen nos hanc rectam esse huius nominis scribendi rationem credimus: animaduertimus enim ueteres librarios sepe in diphthongis alteram illarum literarum, & posteriorem ferè, quæ diphthongum conflaret, omittere solitos.

51 Ad tormina, & si aluus non consistet. Postrema hæc uerba hoc loco poni debere arbitramur, quem etiam in antiquis libris tenent. Appellat Tormina, ut arbitror, θυρεοτρίαν. & si aluus non consistet, θύρησιαν. Cicero in epistola ad Gallum hoc confirmat: Tanta me θύρησια arripuit, ut hodie primum uideatur cœpisse consistere.

53 Alium, lentim. Ita hic, & omnibus alijs locis in his libris Alium scriptum inueni, quam etiam orthographiam seruauit, secutus maximè iudicium Ioannis Pierij, docti, & accurati uiri, qui super illo Vergili, Allia serillumq; ita scribit, Scribendum Alia uno l, cum antiquis codicibus doctorum etiam hominum sententia decernit.

53 Aut quasillum. Ita sanè est in manu scriptis, & ita legi debet, non Quassillum, ut in impressis hic semper erat, quod etiam uersiculo politissimi Poëtæ confirmatur,

Sit tibi cura togæ potior, pressumq; quasillum.

53 Porcam præcidaneam. Sex. Pompeius, quam appellare porcam præcidaneam ueteres soliti sint, declarat. Hic etiam locus Varronis, ubi mentio ipsius est, à Nonio adduc

adducitur. De uita populi R. Libro III. Quod hū-
matus non sit, hæredi porca præcidanea suscipienda Tel=
luri, & Cereri, aliter familia pura non est.

Vomis indutilis. Vomeris in manu scriptis libris 54
legimus, quæ fortasse lectio repudiari non debet: Gram=
matici enim testantur, uetusissimos multa huiuscemodi
protulisse, ut supellectilis, nominandi casu, & non tan=
tum supellex, dicerent.

Hamæ. In Pandectis hoc nomen est, libro primo de 54
officio præfetti Vrb. I. Omnia omnino. Sciendum est au=
tem Præfectum uigilum per totam noctem uigilare debe=
re, & coërrare calciate cum hamis & dolabris. Eodem,
aut paulo immutato, nomine Græci instrumentum aliud
appellant, de quo differuit eruditissimus Budæus, qui lo=
cum quoque Plinij in epistola ad Traianum adducit, ubi
Latina dictio est.

Ex lapicidinis. Antiqua lectio Lapricedinis, emen= 55
daui, lapicidinis. Varro libro V III. de lingua Lati=
na, Qui lapides cœdunt, Lapicidas, qui ligna, Lignici=
das non dici.

Politori pars est. Vnico tantum l, hoc nomen in his 55
libris scriptum offendit: an quia, quod Sex. Pompeius
sæpe testatus est, uetusissimi consonantes geminare non
solebant? unde Aula, non Aulla, aut Olla, hic semper scri=
ptum est.

Impera suouitaurilia circumagi. Suouitaurilia 56
semper in optimo exemplari, & alijs manu scriptis, scri=
ptum est: nam hæc etiam in antiquissimis Cornelij Taciti
libris orthographia est, custodita quoq; à perito, & dili=
genti uiro, quo correctore quinq; primi libri editi sunt.
Sic etiam locum illum in x x. arbitror legi debere, ubi
b s dere

de restitutione Capitolij agit, Lustrata suouitaurilibus
area: nam sic ferè in uetusto legitur. Non me latet, Sex.
Pompeium solitaurilia hos ludos appellare: & id etymon
habere tradere, quod huic uocabulo accommodari non
potest.

37 Bene& p; euenire sinas. Receptam lectionem retinui,
neque tamen quod in optimis exemplaribus offendiri reti-
cere uolo: memini enim me M. Catonem præ manibus
habere, qui uetustissimus scriptor fuit, & multa quæ ob-
soleuerunt, usurpauit: pro Sinas, igitur in illis, Siris scri-
ptum est.

37 Quæ dominus præcipit. Veteres codices hac
parte corrupti: in optimo mendi etiam nota ad hunc lo-
cum apposita, sic illi legunt, Quæ domino præceps.
Ex communi receptaq; lectione nullum idoneum sensum
ducimus: nam hoc, quod his uerbis à Catone præcipi-
uidetur, infra alijs expositum est, Dominoq; dicto au-
diens sit. Ingeniosiores fortasse ex priscis uestigijs, quo-
modo legi debeat, eruent.

59 Legulos quot opus erunt præbeto, & factores.
In antiquis, Et factores: emendaui, Et Strictores. Infra,
Duas partes strictorū præbeto. Aliud esse, Legere oleam:
aliud Stringere, ex uerbis Catonis intelligitur. Factores
appellat, qui lectam, strictam'ue oleas post dies aliquot
faciunt: id est, oleum ex ea exprimunt.

60 Domini dato iri &c. Hunc locum ut in omnibus
manu scriptis inueni, ita dedi: est autem manifestò men-
dosus, quare notam ad eum adposui. Communis lectio
noua, ut arbitror, & inanis est.

60 Donicum solutum erit. Excusi antea mendosè
Domino cum: in manu scriptis tamen Donicum, quo ad-
uerbio

uerbio pro Donec paßim ueteres usi sunt: id etiam infra in
hoc libro M. Cato usurpauit. Sic quoq; uersus ille Lu-
cretij legi debet,

Donicum ad extremum crescendi perfice finem.
non, Deniq; ut uulgò in impressis. Id è manu scriptis li-
bris cognoscitur.

Hac lege uinum pendens. Elegantissimo hoc uer= 60
bo posteriores quoq; Iuris consulti usi sunt, libro x ix.
Pandectarum, De actionib. empti, & uenditi. Qui pen-
dentem uindemiam emit, si uuam legere prohibeatur à
uenditore. & quæ sequuntur.

Porcos serarios. In excusis libris, Sectarios: in ma= 62
nu scriptis omnibus Serarios, scriptum inueni. Sectarius
ueruex, Sex. Pompeio est, qui gregem agnorum prece-
dens ducit: ducem autem suum suem eligi nunquam au-
diui, neq; tam stolidum animal hoc munere fungi posse
arbitror. Quare potuit ipsos M. Cato ab alia re Sera-
rios appellare, quæ mihi sanè ignota est: & quod hîc feci,
priscorum codicium auctoritatem secutus feci.

Vti transferri possit. Prisca hæc lectio. Possi= 63
tur, uerbum, si nunc obsoletum est, mutari non debuit: est
enim, nisi fallor, scriptoribus suis sermo relinquendus,
si à nobis propter uetusatem non usurpandus. Nonius
de mutatis coniugationibus ostendit, ueteres nonnullos
ita locutos esse.

Aliqua quinq; folia. Sic in manu scriptis, non. Alia,
ut in excusis. Apud Varronem quoq; libro primo, ubi
hoc præceptum Catonis iisdem uerbis repetitur, in anti-
quis exemplaribus ita scriptum inueni.

Et cumini fricti. Vetus lectio Fricti, non 64
Triti, ut habent impressi. Varro de re pecuaria
inquit

inquit, Triticum frictum dari oportet. Horatius de arte Poëtica,

Nec siquid fricti ciceris probat, & nucis emptor.

65 Vsq; donec commadebit bene. Vetus lectio,
Vsq; doc ec, emendaui, Vsq; donec: quo aduerbio ante
tea etiam hoc in libro M. Cato usus est.

65 Quod uolet postea cibi edit &c. Hic etiam bis
Edit, pro Edat, posuisse Cato uidetur, quemadmodum ante
tea admonuimus: sequenti etiam capite, idem bis facit,
quare totiens in fideliſſimis codicibus à nobis inuentam
locutionem, quamuis inuicem, non debuimus repudiare.

65 Principium te cognoscere oportet. Multa hic diuersa ab communi lectione in antiquis libris inuenimus.
Prima hæc pars cum fide inde in nostrum codicem trans-
lata: quam tamen quia mendosam arbitrati sumus, nota
adposita signauimus: nihil autem erat quod communi,
peruulgata que lectione delectaremur, eruditiores hoc
etiam uidebunt: unum tantum modicè uariauimus, pro
Commutat, enim in antiquis Commœtat, eadem ra-
tione ut arbitror qua Mœrorum, etiam, pro Murorum,
uetustè dictum fuit. Vnum igitur hoc uariaui, atque id
etiam notum facere uolui: cupio enim si non doctrinam,
fidem meam probari.

65 Sed quæ uocatur septem bona &c. Græca uer-
ba ex toto hoc capite sustuli, multis rationibus, ut hoc
facerem, adductus: In manu primum scriptis codicibus
illorum uestigium nullum: quomodo has aut illas res na-
tio Græcorum appellaret, nunquam in hoc libro often-
diffe Catonem, animaduerti:neq; hoc ad se pertinere exi-
stimasce. Præterea apud Plinium, quo loco præcepta Ca-
tonis

tonis de Brassica exponit, Graeca uerba non leguntur: sed ijs utitur Latinis Plinius, quæ ego in antiquis libris à me inuenta hīc reposui. Possent alia huiuscemodi argumenta à nobis adferri, sed extreum hoc firmissimum puto, libro x i x. Sed Cato brassicæ miras canit laudes, quas in medendi loco reddemus. Genera eius facit tria, unam extensis folijs, caule magno: alteram criffo folio, quam Apianam uocat: tertiam minutis caulibus, lenem, teneram, minimeq; probat. Item libro x x. cap. i x. quem locum antea demonstrauit. Quomodo igitur si Catō Græcis nominibus genera brassicæ distinxisset, illa reticere potuit Plinius? Additas Græcas uoces arbitror à recentioribus nonnullis, qui operæ pretium se facere censuerunt, si locum locupletarent, & quæ apud alios auctores inuenierant, huc etiam inculcarent.

Altera est prisca, Apiacon uocatur. Veterem 65 scripturam conseruauit, quam tamen suspectam habeo, apud Plinium Apianam uocasse hanc Catonem legitur: in manu tamen scripto Plinio Apiacam inueni. Si rectum esse censuerint periti uiri, poterunt cum Plinio hīc Apianam legere: ipse nihil temerè immutare uolui.

Nulla est illiusmodi medicamentosior. In antiquissimis libris Medicamento, quod tamen reliquimus. Id etiam propter librorum fidem adnotare uolumus.

Vulnera putida canceresq;. Prisca hæc lectio, 66 ubi in excisis Putrida, & Putrescere: in antiquis libris, Putida, & Putescere, scriptum inueni. Docet Priscianus libro v. uetustissimos etiam hoc Cancer, de morbo protulisse.

Teras brassicam, Mendosē in antiquis, Tætras 66 brasii

brassica.

67 Verum morbum articularem. *Vetus lectio, Articularium. Plinius, Podagræ etiam, morbisq; articularijs.*

67 Tamen ualetudinis causa experirer. Receptam lectionem retinui, ueterem nunc omnibus exponam, corruptam illam quidem, è qua tamen uera fortasse lectio industria eruditorum erui quandoq; poscit: Tamen ualetudinis causa experirus, hanc oportet &c.

67 Omnis qui insomniosus est. *Vetus lectio, Omnis, uel si quis est seniosus. Plinius quod receptam lectionem adiuuat: Insomnia etiam, uigiliasq; tollere de coctim: communem igitur retinui.*

67 Postea ferue bene facito. *Prisca hæc est lectio, quam recepimus: animaduertimus enim M. Varronem eodem pacto locutum, si optimis ac uetustissimis codicibus fides habenda est. De agricultura ubi de modis agrorum differit, Quæ sole perferue ita fit, ut radices satorum comburat. De uillaticis passionib. Sexaginta enim milia Fircellina excande me fecerunt cupiditate. In omnibus enim his locis fracta uerba sunt. Nec me latet, Quintilianum hanc uerborum diuisionem nequaquam recipere solutam orationem tradere.*

60 Nunquam ī uirosi fient. *Receptam hanc lectionem retinui, notam tamen facere antiquam uolo, quæ de prauata omnino est, quod etiam librarius non parum diligens cognouit, ad eam enim notam adposuit: Nunquam seri fient. Restituta fortasse uera est.*

68 Carnem assam dato, si esse non uoleat. *Antiqui libri, Carnem asinam dato, si esse non solet.*

69 Deinde impetigini parce. *Antiqui libri, De peticenīs*

tigenis porcæ. Plinius hanc sententiam Catonis referens, inquit: Et impetigines eadem sanari sine ulcere. Petiginem hunc morbum etiam appellari solitum Nonius docet, exemploq; Lucilij poëtæ confirmat.

Dic una pariter usque dum coēant. Hunc lo= 69
cum mendo uacare non puto. Antiqua lectio contamina= ta est: Vna pē es usque dum &c. Nam prima di= ctiō huius clausulæ in ueris non legitur. Videant eruditæ uiri, an auxilio ueteris scripturæ locum restitu= re possint: nullam enim aliam opem studiosis præbere possum.

Locum subigere oportet bene. Plura hic an= 70
tea uerba legebantur, quæ quia in manu scriptis non in= ueni, cuncta deleui: illa autem, ut ex multis locis liqui= dò apparet, addita fuerant ab ijs, qui singulorum capi= tum inscriptiones sustulerant: cùm enim sēpe ex titu= lis ipsis sermo Catonis penderet, illi autem sublati fo= rent, necessariò adiungere aliquid oportebat, quod de qua re capite illo ageretur, ostenderet. Ipse diuersam rationem secutus sum, & quemadmodum in omnibus antiquis exemplaribus inueni, inscriptiones ante singu= la capita adposui, & quæcunq; nuper in capitibus ipsis adcreuerant, abieci. Erant autem illæ rubricatis lite= ris formatæ, ut facilius dignoscerentur: quòd si quis ac= curatè attendat sermonem ipsarum, elegans est, & ab Catonis oratione non abhorret: multis certè locis ita ne= cessariæ sunt, ut sine ipsis omnis postea sermo perturba= tus imminutusq; sit. Quot incommoda ex aliorum corre= torum licentia extitissent, ut arbitror, intelligent, qui di= ligenter quæ ab antiquis libris illi uariauerant, uidebunt:

nam

nam in nostris expressam ueterem scripturam inuenient.

70 Sarito runcatoꝝ. Vnico tantum r, hoc uerbum scripsi: in his enim antiquissimis libris, quibus ad hoc munus usus sum, semper ita scriptum obseruavi. Audiui præterea à doctissimis, & accuratissimis uiris, se in priscis monumentis eodem pacto illud scriptum adnotasse.

71 Salem sternito. Antiqua lectio Sale. Antea etiam, ubi de lege oleæ faciundæ agit, in ijsdem, Et sale suæ uisioni.

71 Tertio die demito. Ita habent antiqui codices, & ita arbitror legi debere: non, ut in excusis omnibus, Demittito. M. Varronis optimi codices ita quoq; locum illum legunt, circa finem primi: Si non demiseris ad edendum &c. Loquitur autem de pensilibus quibusdam, quanquam illic etiam impressi habebant, Demiseris. Nos etiam sermone nostro familiari uerbo in ea re exponenda utimur, quod egrediè respondet ei, quod hic restituimus.

*